


Plakaat di reconocimento pa presentacion di teatro di Dansa Arubano na Hulanda



ORANJESTAD(AAN)-- Teatro di Dansa Arubano, bao direccion di Diana Antonette, atrobe a cosecha exito na Hulanda, y a ricibi na un dinner di despedida for di man di señor Jimmy Oduber di parti di Aruba Huis den presencia di e director sr. Gerard Simon y sr. Verheyen y sra Tienstra di K.A.B.N.A., un plakaat como muestra di aprecio

pa nan presentacion di nos cultura Arubano na Mei 1990.

Tambe cada integrante a ricibi un medayon.

Fuera di 2 presentacion na e Festival na Utrecht, unda cu mas o menos 25 escritor/poeta di varios pais, grupo di baile di Suriname, y Inglaterra, conhuntito y canto for di St. Maarten y

Hulanda mes tabata presenta, Teatro di Dansa Arubano a presenta na Raalte, den provincia di Overijssel, unda cu e aña aki nan ta celebrando 40 aña Fiesta di Cosecha.

19 di Mei a toca e manifestacion di Sallandse Asperge unda cu e grupo di baile a duna un tremendo presentacion di un ora.

Teatro di dansa Arubano, un vez mas ta extende su gratitud na KABNA cu a haci e viahe aki posibel atravez di e invitacion di SMAU pa e Festival, Aruba Huis pa e bon cooperacion y e trato excelente y Consales Aruba N.V. cu a sponser e sweatshirtnan.

Encuentro historico entre e secretarianan di reino

ORANJESTAD(AAN) -- Como un actividad Post Congreso y riba invitacion di Aruba Secretaries Association (ASA) a tuma lugar un encuentro historico entre e secretarianan di Reino cu a participa na e XI CIS di FIAS.

Durante un desayuno Diabierna, no menos cu 80 secretaria di Aruba, Curaçao, Sint Maarten, Saba y Hulanda a bin hunto pa intercambia di idea y experiencia.

Carla Paris, presidente di ASA a yama tur bon bini y a expresa e deseo cu e reunion aki lo yuda na ensacha e lazo di amistad y desaroyo aun mas e nivel profesional entre e secretarianan di Reino.

Marianne Du Chatinier a agradece ASA pa e invitacion extende na Sint Maarten y a felicita ASA pa e bon organizacion di e congreso.

Joke Snijders, representante di European Association of Professional Secretaries na Hulanda a

dirigi palabra, agradeciendo pa e invitacion, felicitando ASA pa un exitoso congreso cu ta tras di lomba y a invita e secretarianan pa asisti na e di 16 conferencia anual di EAPS di 19 - 23 September.

Tur aña e conferencia ta tuma lugar na un diferente pais y e aña aki esaki lo ta na Maastricht, Hulanda cu e tema: "Networking communication across the border".

Di MAO School Curaçao tabata presente 11 estudiante di examenklas y un docente a dirigi palabra den nomber di e grupo y despues di a agradece pa e invitacion pa a asisti na e congreso, a splica e importancia pa e studiantenan di por a participa na e congreso cu sigur lo contribui grandemente na nan desaroyo como secretarianan den futuro cercano.

Pa ASA ta un honor di asina por a organiza e promer encuentro entre e secretarianan di reino.

Ta busca penpal

ORANJESTAD (AAN) -- Na mesa di redaccion a yega un carta for di Ghana, Africa Occidental, di dos dama joven cu ta busca personanan pa nan por coresponde via carta cu nan. Nan tur dos ta gusta cerra amistad cu hende, viaha, practica deporte,

lesa, keiro, musica etc.

Nan nomber ta:

Jane Smith, P.O.Box 118, Cape Coast, GHANA, West Africa, 25 aña;

Benice Fegurson, P.O.Box 86, Cape Coast, GHANA, West Africa, 25 aña.

Holiday Inn Hotel Social Club cu directiva



ORANJESTAD (AAN) Recientemente a tuma lugar na Holiday Inn Aruba Beach Resort e eleccion pa un directiva nobo di Holiday Inn Hotel Social Club.

E directiva nobo ta consisti di 8 persona cu ta: Presidente, Violeta Frans, Vice President Vicente Boekhoudt, Secretaria Lourdes de Cuba, Tesorero Beaulah Meyers, Relaciones

Publica Brenda James, Sport Coordinator, John Figaroa, Fund Raising, Arthuro Kock.

Meta di e directiva nobo ta organisa diferente actividadnan cu cooperacion di miembronan pa asina establece bon contacto entre e empleadonan.

Holiday Inn Aruba Beach Resort & Casino ta forma parti di e Holiday Inns Internacional,

cual ta ser representa den mas di 50 pais, ta e division di Hotelnan y restaurantnan di Bass Plc, un compania principal ingles cu participacion externa den e industria di bebida y recreacion.

Riba e grafico por aprecia e directiva nobo di HIHSC. DIARIO ta desea e directiva tur clase di exito trahando socialmente pa e trahadoman.



Projekt Ontwikkelaar van :

- * Aruba Beach Club
- * Casa Del Mar Resort
- * Playa Linda Beach Resort
- * Costa Linda Beach Resort (onder constructie)

Heeft op haar hoofdkantoor de vakature van

ADMINISTRATIE ASSISTENT (M of V)

Mogelijkheid tot reageren uitsluitend telefonisch onder telefoon nr. 24693 bij Drh. Hans Somers.